

甌

甄

洞

續

稿

整頓洞續集詩部卷之十一

武昌 吳國倫著

樵李 馮夢禎校

七言律詩

登燕子磯絕頂

孤亭縹緲石嶽岑一縷長江墜古今樵徑倚空縣作  
棧賈櫓依渚集如林飛揚欲奪三山勝覽眺偏驚萬  
里心海氣乘潮蕩雲日青楓綠草自陰陰

次真州訪方仲美不值

云客齊梁未歸

亦識真州非爾鄉浮家是處好佯狂重依水市停蘭

棹遠涉煙橋問草堂操筆尚能驕海岳叩關那復困  
齊梁風濤千里虛相望握手惟應夢裏長

憩仲美踈豁堂留題

城隅卜築俯邗溝垂老將無息遠遊遶院蓬蒿都不  
翦隔籬雞犬自相求門將五柳徑邊僻堂擬百花潭  
上幽雙鶴載鳴如有意能令客子坐淹留

次潤州遇伯常比部同泊喜而痛飲

京口渡頭逢故人一時驚喜倍情親地懸千里原無  
約天遣雙帆卻有神旋覓村醪供語笑坐邀江月解  
風塵三年別恨須臾破醉極翻疑會未真

舟次白家橋飲白光祿伯倫燕喜堂賦

隋時行宮荷花

蕩采菱歌

並在其處

八年重過白家橋地主披衣起見招燕喜堂中雲錦  
合荷花蕩口月華飄相看酒態狂如昨不斷歌聲醉  
轉驕朝野故人零落盡無多生計老漁樵

醉後同伯倫步過定安橋對月懷古

月上海門天沈淒憑君感慨說前朝行宮何處三千  
舍野水當年十六橋高步直凌虹脊飲單衣不怯露  
華澆采菱人去歌誰答猶有餘哀送夜潮

鄧大素孝廉見訪談藝

莫道詞林握手遲，相逢吳苑自新知。匣中星斗龍淵  
貫筆底，風雲駿足馳。豈有玄經能口授，聊傾濁酒見  
心期。江雲半吐舟前月，永夜留歡醉不辭。

友人吳叔嘉陪予赴婁東同弔王元美舟中志  
感

生友何如死友親，追隨一哭見情真。束芻自可輕千  
里，作誄無須問幾人。並訝中天沈象緯，俄令東海失  
精神。含心欲擬招魂賦，隻字翻愁泣鬼鄰。

寄贈嚴道行公子

獨上蘇臺望海鄉，虞山一片海雲藏。由來季子青霞

卧自傍先公綠野堂授簡何人詩慷慨移書百里意  
飛揚端居不學邯鄲步却會縱橫六藝場

贈張孟孺

孟孺故將軍左虞字也左虞善詩而孟孺繼  
之益好詩因有此贈

襲衣公子出無車匣裏虹蜺氣未舒盛世何曾踈甲  
冑將門元自說詩書慙從劔客修恩怨却向輪工問  
疾徐萬敵在前君莫畏直須辛苦惜三餘

贈程彥之

浮家千里泊姑蘇生計蕭條骨相殊誰解綈袍溫范

叔虛聞囊粟飽侏儒懷中敝刺  
投予晚酒畔詩新和  
客孤入坐能言方仲美不妨貧  
病有江湖

大京兆沈純甫訪予吳門  
酒間道故有感

月落湓潭一葦來千門曙色朗  
蘇臺愁心今古渾難  
寄直道乾坤總未回憶別秬應  
憐短髻論文且莫負  
深杯看君漸有烟霞癖急難何  
人將相才

吳門荅何无咎見投

聞君栖隱石門山王謝遺踪未  
足攀欹枕不煩天姥  
夢看雲時共野僧還亦知高步  
終塵外無柰詞名已  
世間茂苑相逢須一醉著書何  
必借函關

張孟孺招遊徐園得湄字

萬縷青楊覆水湄，  
一徑入澗鞋溪橋宛轉離闌。  
護風磴飄飄錦石披閣道迴縣，  
緱氏嶺泉源紛瀉習家池。  
若教地主能留客，十日沈酣也未辭。

酬王百谷

有引

舟過吳門訪百谷尚客金陵未還比還予且  
西發造次一晤輒復枉  
詩以送兼有元美之

感走筆酬之

半偈齋頭問主人，  
藥壚經榻半生塵。  
俄聞一葦金陵返，  
遂覺千花茂苑新。  
楚棹遲留應有待，  
吳天遇合豈



無神題詩送遠還思舊灑淚相看字字珍

沈純甫京兆以以上所賜緋袍改製混元衣予

聞而奇之因贈

京兆承恩舊賜緋還山亦自有光輝閒將紫府天孫  
錦製作青蓮道士衣坐臥園中群象遶行遊海上九  
霞飛僊風不慕龍文袞穩稱荷裳去息機

吳門逢俞本之即事有贈

閨門輟棹酒重持卻憶山園醉別時愁病幾年皮骨  
在烟波千里夢魂疑憐君未吐凌雲氣向老逾深失  
路悲怪殺風流情不減夜乘明月喚吳姬

重過白園同祝介卿孝廉賦

千樹芳菲萬石雄  
攀躋出沒錦雲中  
天留病骨偏狂興  
水抱名園自化工  
雪嶠古藤穿曲榭  
風軒修竹舞晴空  
延陵亦是吾家土  
訪舊何妨此再同

僧倫年丈移舟載酒送予過毘陵四十餘里至  
奔牛堰始別志感

迢遙載酒出江關  
送情深別轉艱  
已過金牛奔海處  
纔分彩鷁趁潮還  
倉皇落日迷群樹  
咫尺浮雲已萬山  
老淚猶枯佳會少  
高風千里夢中攀

郭次甫自焦山過京口見訪賦贈

方外聞君二十年相過京口似逢仙黃冠尚帶雲霞  
色彩筆曾題海嶽篇片石江心開舍利千秋風骨起  
焦先炊糜煮茗供談笑去指浮杯作渡船

高德馨使君招遊甘露寺

爽氣朝來北固多上方雲日擁嵯峨逢君忽起登高  
興愛客偏能載酒過甘露林開梁殿閣妙香臺俯漢  
山河中宵秉燭穿巖徑歷亂群星點薜蘿

同茅平仲陳從訓靳國卿登焦山飲水晶菴

一撮名山鏡裏看空堂波色水晶寒墻前片片輕帆  
過殿角垂垂老樹蟠岬巖密封支鼎石海雲高護講

經壇禪栖仙隱俱方外誰趁天風駕羽翰

從訓以詩見投席間賦荅一律

從訓兼善詩  
盡故詩及之

北固山前靜卜居美髯曹頰意濛濛向傳友義金堪  
斷忽把新詩錦不如掃壁能揮鳴馬狀臨池解作換  
鷺書風塵晚結忘年契千里羈愁一醉除

閶門發舟馮開之太史適來見訪因送予至寒

山寺餞別賦謝一律

凌晨代鼓振歸橈有客東來遠見招握手千山迴茂  
苑方舟十里度楓橋禪僧定出龍華現太史名高雁

塔標竹裏深杯忘出處醉看明月萬緣消

周叔宗曹周翰兩太學追送子至寒山酒間留

別

周子武文曹新知也

江村橋畔午聞鐘載酒殷勤二妙從僧舍茶烟縈密  
篠佛龕蘭氣鬱深松新知解縱酣歌樂舊侶還疑夢  
寐逢明日孤帆各天外題詩聊爲紀雲蹤

阻風白沙河吳康虞程康伯携具過訪舟中同  
羨長叔嘉伯麟暨士兒小飲即事分得來字

風雨孤舟去復迴美人何處踏歌來白沙浪起津橋  
暗蒼樹雲寒野堞惟不信王獻過刻水能携神女赴

陽臺當筵肯惜歡，娛晚醉攬江光，更舉杯。

過無錫有懷安小范行人留寄

孤帆來往慧山前，訪戴非關與未堅，持節故人天上  
去，應門童子竹間眠，看花嬾向春申里，煮茗聊分陸  
羽泉。總使從君無羽翼也，應清夢五雲牽。

同士兒憩二泉亭觀激水者

亭在慧山寺  
一名九龍

携兒偶過品泉亭，第二名縣陸羽經，留賞不須逢地  
主，紀遊先與借山靈，鞭轡聲裡千珠碧，菩薩光中萬  
境青，見道九龍司水脉，遠分餘瀝到中泠。

揚州遇徐明宇侍御招飲留贈

細雨維揚短棹來，當樽海色爲誰開。  
相逢柱史行驄地，坐攬前朝戲馬臺。  
淮楚並聞鹽筴議，風雲常護柏梁材。  
因君慷慨談今古，永夜猶擎掌上杯。

伍民部招飲關署留贈一律

民部調自省垣  
時擁江都關稅

璫闥曾高抗，疏名南遷衣。  
馬亦陪京察，眉幾輔憂邦。  
計蹙額關梁，問水衡清酒。  
偶同長日醉，雅談如愜素。  
交情知君意，氣偏懷古擬。  
共焚蘭弔董生。

寄上大司空潘公

往歲公致書約會吳中，其辭甚決。比予入吳。

則聞公累疏請老奉 旨固留不能踐舊約

而予又不能遠赴任成就之悵然寄此

扁舟江漢遠如期千里吳山到不疑  
壁馬盟成歌正好尊鱸心老去仍遲書  
來未減窮交意力盡偏深

聖主知望望東峰天際出孤懷夜傍海雲馳

卜母周孺人五十初度

孺人子應徵應聘並遊  
燕雍適奉母在寓爲壽

吾兒士良與之  
友善故索詩云

五雲晴繞鳳皇臺却爲君家壽域開  
花際彩衣供燕喜日邊青鳥下蓬萊  
岱松常葆千秋色崑壁全鍾二陸才  
莫道稱觴無異物中冷可釀玉蘭醅



贈梅子馬

慷慨千金買醉來相逢末路轉憐才  
周南留滯誰爲主江左風流客漫猜  
弄月每臨桃葉渡聽經倦過雨花臺  
詞場俠窟應無恙只怪江流去不回

送劉直齋侍御北上

繡斧巡行八使同抗章先入未央宮  
妖氛極北三關震儉歲江南萬室空  
排闥擬承明主問立朝重見古人風  
揚鞭曉發長干道湖海魚龍也避驄

留贈談思重叅軍思重故毘陵世家子雅以詩  
畫著名頃迫家難避居金陵予偶過訪見元美

司寇百谷山人並有相唁之作友道甚敦因亦  
留贈二詩書其卷後

僻巷僑居類遠村客來何日不清樽無妨萬石家全  
破且幸五湖身尚存辟穀未能逃濁世種瓜聊自傍  
青門生平管鮑王司寇一訣伊誰爲反魂時元美已逝

○其二

彩筆縱橫石墨飛名兼詩畫轉成非無家遂欲捐圖  
史貸食寧甘飽蕨薇黃壘風烟虛在望白門花月老  
忘歸江陰有客能排難千古交情屬布衣百谷江陰人

讀車子仁廷評詩因贈

誰道斯文不在茲。賦才今昔楚人私。靈均慷慨追三石。太史憑陵陟九疑。家在瀟湘風未遠。官移建業境偏奇。棘廷休暇常懷古。句就翻增六代悲。

御史大夫君玉朱公出郊枉顧。招飲僧房。留贈遠從蠟穴應玄纁。出處高風天下聞。三尺禔衡天紀靖。群僚彈壓主憂分。江干枉駕披殘雨。野寺移觴坐夕曛。四十二年纔一夢。白頭携手倍殷勤。

贈張乾甫文學

何意東遊此遇君。停舟幾日坐論文。通家禮數看逾厚。中土賢豪故不群。雨過秣陵峰吐月。潮回瓜步海

生雲詩成但飲休言醉明日河梁手又分

久別助甫中丞因遇其弟乾甫寄懷此詩兼有  
元美之感

廿年不見張開府筋力何如少弟強詩牘難傳飛去  
夢酒榼誰伴老來狂功成劍合芙蓉繡臥穩衣縣薛  
荔香佳會無期人世短與君何計起王郎

望江樓避暑

避暑江樓江正清迎潮雨過石頭城涼生枕簟眠堪  
穩電擾檣軒坐不驚雲霧山山懸暮景葭蘆岬岬作  
秋聲長千萬戶炎蒸解好與深杯待月明

喜俞羨長追予及潤州因同入楚

累歲期君不見君到來猶隔幾峰雲  
梁溪發棹風如約京口呼醪夜已分  
短髮那禁常恨別方舟從此細  
論文潮隨萬里長江落明日抽毫破紫氛

袁惟鄰憲使招宴池口驛惟鄰亦楚人

垂楊古驛繫歸舟落莫欣逢地主留  
九朶芙蓉天際出三江日月鏡中浮  
聞歌似按銅鞮曲起步疑臨杜若洲  
萍水不須憐去住百杯同遣故鄉愁

再贈袁惟鄰憲使

建牙秋浦泥江關水陸王師習戰還  
六郡風烟清虎

帳五雲宮闕想 龍顏軍書坐見侵星發諫草曾聞  
洒淚刪鎮靜年來無一事抽毫日對九華山

在吳中有懷王行甫蓋行甫嘗與予同游今獨  
往也

金陵東下闔閩城何異舟同李郭行幾處名山留倡  
和一時詞客走逢迎酒杯如蕉狂難制歲序無端老  
自驚卻憶風流王叔子江關遙夜不勝情

得福寧曾判官書却寄

不見曾郎夢幾回那知閩海一書來干時未售連城  
壁佐郡難伸巨室材壯節豈應愁瘴癘孤蹤聊復寄

樽罍衙齋最近鮫人室淚灑齒雲祗自猜

一 過無錫有懷鄒彥吉時彥吉督學在楚

片帆千里泊梁溪矯首懷人日漸西聖水經縣天下  
品黃山峰與暮雲齊賢科不忝言文學宦蹟重看楚  
執珪羽翼差池書斷絕乾坤何處手堪携

初歸喜雨有作

五年憂旱目垂枯萬室連阡一粟無老稚仳離俱道  
殮脂膏竭盡且官租甘霖入夏欣霑足爽氣經時解  
毒痛安得嘉禾歲無恙不教兒女拜神巫

立秋病中作

六月中旬火欲流荒齋毒暑未  
全收芙蓉冉冉霞初  
吐桐葉陰陰露尚柔江漲擁城  
驚伏枕野烟迷樹怯  
登樓不須搖落悲先動起視明  
河夜轉幽

宗良丈僦得新居頗以幽勝自適寄贈一首  
僦舍城隅枕白沙近隣梧竹翠  
交加晚年詞翰工幽  
僻末路交游散狹斜堞外江風  
吹月上浦西峰色帶  
雲遮圖書擁坐車塵絕誰識從  
前帝子家

徐懋誠親家自督府參軍新擢南都比部員外  
志喜

七萃星環萬馬鳴頻年扈從有  
英聲俄聞寵命傳三



鳳城仙班似舊鷓鴣  
改五夜趨朝夢屢驚  
殿持許賢勞試二京  
法署高臨玄武水  
故宮全繞鳳

送刑部員外徐懋誠赴南都

九月仙舟下白門  
江千秋色故人樽  
才名不忝司空胤  
侍從偏承聖主恩  
畫直西曹清海甸  
宵憑北斗望天關  
先皇定鼎金陵重  
不改千年王氣存

得李寧國書卻寄

言從蹊道遠迴車  
一入宣州倦曳裾  
閣世幾人諳止足  
還家萬事委空虛  
秣田雨過看驅犢  
蘭水波平問釣魚  
咫尺相過期不定  
半生難思八行書

奉荅張質卿京兆

千里論文託素書象山雲氣接吾廬看君握筆心殊  
壯愧我操斤術已踈註律爭傳唐四傑詞源更溯楚  
三閭何時鼓枻瀟湘下斗酒窮愁一破除

墨僧過訪留寓蓮花庵因贈

三湘水月過仙踪來自廬山五老峰飛錫遠投青桂  
社捫蘿親啓白雲封參禪座裡揮狂象說法潭間度  
老龍況是能文如惠遠此生那可不相逢

七月十五夜汎舟湖上觀放燈者

佛子傳燈自上方平湖秋色夜蒼涼千蓮驟湧金波

出萬象齊分寶地光明滅舟前驚幻相飄颻天畔燭  
空王繞城星月看如書銀漢沉沉漏轉長

讀郭彥吉言羈提齋詩喜而有贈二首

羈提梵語  
謂忍心辱也

自喜歸來結靜緣人間方外不同天驚看秀句成三  
昧始識降心入五禪留客旋炊香積飯倩僧時汲慧  
山泉蹇予亦有維摩病安得持齋傷汝眠

其二

一投蓮社萬緣空豈以逢僧更遠公身是宰官憑幻  
化佛藏精舍儘尊崇之心靜與禪機運彩筆維爭妙

相工般若臺前盟正如何來徵詔入琳宮

項叔定自永嘉來訪因與出郭泛舟爲長夜飲

同徐應時賦得天字

王謝風流二鴈懸君才清切永嘉傳行經吳越牽情  
遠坐擁湖山發興偏野樹迎寒凋白露星河倒影浸  
長天携來斗酒傾須燕莫似空迴剡水船

士兒應試南都寄此勉之

親年衰謝汝方強隔歲辭家赴帝鄉懷土謾馳千里  
夢選鋒須敵萬人場蚤看劍化蒼龍躍那得珠留赤  
水藏桂醕松醪秋正熟青袍歸第好稱觴

寄勉寔寔二孫雁試

可是吾家千里駒，謾勞鞭策自馳驅。  
書賢並擬同周士，奏賦誰能讓漢儒。  
桂苑晴雲飛五彩，蘭臺淑景麗三珠。  
平生意氣登場日，匹練升天夢豈迂。

秋日同徐應時省先大夫墓應時有作愴然和之

八月湖頭秋漸深，含秋孤舫入陰森。  
空山狐兔群相弔，落日松楸慘不禁。  
止渚芳蘭供俎豆，西風老淚溼衣襟。  
何言負土門人事，相向惟應動苦音。

時應時居此喪

借徐應時泛舟遊蓮花山爲逆風所阻歸飲北

園私應時初

湖上蓮花化作山望來宛在水雲間那知逆浪高巖  
犯遂遣孤舟去復還日落菴葭迷咫尺天迴洲渚過  
間關携壺且就郊園醉明日諸峰擬更攀

舟夜宿鄭家村回應時醉賦

風起千山日乍昏野烟迴合暗江門長年辟易呼停  
棹薄暮蕭條促泛樽波上群星偏照席畔頭三戶亦  
成村醉來且伴鳧鷖宿何處漁歌隔浦喧

秋日即事口號

不離城郭近郊村耕鑿尋常送曉昏抱藉未忘莘野

樂攬袍猶憶漢官恩樽前日日諸狂客膝畔時時兩  
稚孫生計只須無凍餒何妨雀經在衡門

秋夜携具就徐應時齋中坐談

微雨初過月正新滿城秋色倍憐人偶乘清興携壺  
至不戒窮交裹飯親社結粉榆堪自老盤供苜蓿未  
言貧因君苦志千秋業醉後談鋒各有神

秋日同李督學民部昆仲宴友直宗侯宅即事

並賦

城隅綠竹蔭清渠半畝芳菲帝子居穿徑伴能偕二  
仲登堂偏好坐群書傳來斗酒天漿美醉入林亭野

興舒秉燭更深談轉劇西園高會未應如

中秋同應時飲思素思貞所對月

德星宵聚萬松堂明月中天綺席張露下白榆蟾影  
澹風生青桂兔園香樽前河漢秋偏近箇裡關山夜  
正長桑梓衣冠情不淺呈名何忝喚高陽

賴永生自萬安來見顧雷萬北園贈之二首

孤舟遠發遂興城千里風濤總不驚壟畔執經存雅  
道河濱講業避時名龍泉自是堪臨敵牛耳何當更  
主盟寂寞山齋聊下榻淹留不減素交情

其二



山園松菊半荒蕪避俗論文興未孤客自遠方懷二  
刺里名通德媿吾徒林泉取意群芳好魚鳥親人萬  
態無風雅久湮誰復振敢言浮海更乘桴

餞黃汝文文學北上謁選

少小時名冠楚才強年落落走燕臺逢人每中投珠  
忌謁帝猶含抱璞 結綬清朝終遇合分携故國且  
徘徊一官末路憑遐邇旅雁傳書定幾回

喜賴永生詩進

在門不少言詩客問業無如汝百寧風雨操舟千里  
外烟霞假館萬松前沈思漸覺揮毫壯習靜都忘坐

榻穿白首狂夫慚  
北面祇應持贈繞朝鞭

戴道仲携妾漫遊病卧富口旅舍予聞憐之

十年道客過江湖  
何處還逢楚大夫  
向道季生能使  
酒偏容卓女坐當  
爐琴書寂寞時  
情見風雨淒其旅  
病孤興盡迴舟虛  
訪戴相憐咫尺  
限菰蒲

送郭太守赴涿州

楚令才名衆所推  
詔遷畿輔帝恩私  
雙旌露拂婁  
桑樹五馬雲開督  
元陂但使閭閻安  
作息不妨賓客  
戴驅馳高齋想像  
揚夫子清白流風  
是汝師

戴生病久以詩相問走筆訊之

何事窮途病轉多幾年歸計又蹉跎江鄉有客傳書  
至風雨何人餽藥過伏枕未醒神女夢詩成先付雪  
兒歌惟應學道齊生死二豎相將奈汝何

送黃博士元甫應試南官

念汝凌雲氣尚雄携書萬里上南官官閒自愛青氈  
薄賦就人驚彩筆工故里開樽聊對雪長安躍馬奮  
騰空逢時不少看花伴屈指論才未必同

至前三日對菊

歲晏郊園自卉凋幾株殘菊向誰驕寒分霽雪供衰  
晚靜待微陽破寂寥月令總隨雲物改花神只藉酒

杯招時過不復登尚飲冷藥枯枝興亦饒

喜陶懋中雙生男子

一蚌雙含明月珠靈胎初剖夜光珠聞人次第縣弧  
矢保母逡巡結繡襦天上麒麟行接踵庭中桂樹起  
通株應從祖甲分先後龍種修途擬並驅

聞陶懋中使君自黃州見訪將至作此遲之

画舫遙從赤壁移津途消息吏人馳足音似已臨空  
谷岷影猶然隔水湄擬脫巾巾供澆酒旋刊枯竹待  
烹葵園梅欲放仍含凍客到先成白雪辭

輓劉伯奇

素交零落汝猶親  
白首離居感慨頻  
萬境看來都是  
幻千金散盡未爲貧  
長生無術登仙錄  
大夢何辭託  
鬼鄰  
把臂呼君君不起  
西風殘日倍傷神

錢明府注丹經成寄贈一首

江繞樊山一線長  
真人紫氣斗牛傍  
傳書似已同關  
令問道何須走瀨  
鄉眼底風雲都幻  
夢身中龍虎解  
飛揚知君洞悟三  
元理  
秘室常瞻五色光

送羅育卿司訓擢諭如臯

千里瀟湘汎客杯  
一帆風雪席陵來  
橫經坐瞰游龍  
浦訪古行歌戲馬  
臺湖海各天懸  
夢寐門墻是處足

英才詩成不必逢何遜東閣梅花待汝開

介然亭新成卽事

一片梁飛萬石支溪縈九曲漱瀾漪亭延落照行杯  
好樹匝清陰坐釣宜夾徑新培雲母竹垂簷忽長夜  
明芝過從但許烟霞侶身外浮沈總未知

立春後一日戴道仲自富口過訪一宿遽歸賦  
此諷之

途窮歲盡欲何求病後猶乘雪夜舟江上柳條窺起  
色樽中栢葉動羈愁常縣故里千山隔虛擬平原十  
日留亦解浮蹤無去住依誰更復留龍洲

富口有黃龍洲

初春同通侯永年賞玉蘭花

幾日東風放玉蘭，携樽挈客雨中看。  
赤城縹緲霞初斂，玄圃紛紛雪已殘。  
豈有珠花明洞口，翻驚蝶翅隱林端。  
幽香不斷山雲暮，遶樹婆娑興未闌。

贈吳洛泉別駕

延陵中古神明胄，宗伯先朝柱石名。  
禮樂至今成世業，冠裳累葉自家聲。  
不辭佐郡遙之楚，且復登樓擬望京。  
公暇長筵叨上客，同宗異地有餘情。

王胤昌太史輓詩

東觀書成啓御筵，師臣恩禮有諸賢。  
論思擬就三公

坐臥病何堪二豎遷異代神靈嵩嶽降高名月旦汝  
南傳將芻欲往心先折老淚那能及九泉

北園賦贈王翀仙先生

累日林亭興未闌名花種種竹竿竿遊蹤五嶽憑龍  
杖古道千秋寄鶻冠洗耳重聞方外語冥心應就鼎  
中丹從君不惜行年晚分得玄珠秀可餐

奉荅劉憲使自復闕遺

咫尺書從鄂渚移含情偏向薜蘿私三湘弔古誰同  
調一字論心即故知結佩尚園行有贈分金應念酒  
無資思君便欲騎黃鶴玉笛猶堪信口吹



得趙仁甫潯陽書卻寄

十年江上幾逢君，歎息風烟手易分。  
賴有音書存故舊，何當杯酒接慇懃。  
匡廬染翰峰峰妬，湓浦行歌處處聞。  
適意那知官不調，升沉今古一浮雲。

舟中望廬山二首

頭年三過潯陽不登廬山故有此作

廬山合沓俯南州，二水奔回九派流。  
浦口烟沙晴浪捲，峰頭蒼翠古雲浮。  
巖樓何處匡君宅，野泊頻年楚客舟。  
自怪陶潛多酒癖，東林開社不曾投。

其二

少日扶筇上翠微，望來翻憶舊遊非。  
橫空石架三梁

險近瀑雲將五老飛影落江湖寒不散氣躔牛斗  
相輝鐵船倘許雙龍翼遍摘芙蓉滿載歸

潯陽再遇李士貞民部招飲賦此酬之

湓城隔歲兩逢君氣色真從十畔分漢水懸飛三楚  
雪廬峰散作九江雲關梁國計邊庭重弦誦家聲泝  
內聞興發樽前忘老大淹留中夜歎論文

贈李明叔孝廉

一出驚人國士收長松文梓自荊州論才更與黃童  
異抱策先懸賈傅憂高壘詞鋒摧海岳名家經術擅  
箕裘行逢 聖主臨軒問好爲從容借箸籌

初春荅友人沈生見問

憶汝聞詩舊在門年來風雅復誰論  
星霜漸逼狂夫老湖海虛傳此道尊  
百里春雲蓮草閣千山暮雨隔江村  
新梅嫩柳期相過好與重開栢葉樽

方叔兼茂才過訪

叔兼莆中人予故人懋藩少叅子也頃者還  
自粵西迂道過我乞言爲其母壽因贈

海客遊從象郡還何當任駕入空山  
言尋世舊三朝重不惜川途萬里艱  
對酒欣聞談雅道徵文急欲慰慈顏  
征衣遠帶瀟湘色歸到庭闈便舞斑

荅劉寬伯見壽

得放歸來老一丘，美人相望數相求。  
百年貧病憐虛度，四塞兵戈繫隱憂。  
紫氣龍淵常自躍，黃金駿足幾時收。  
將詩爲我稱眉壽，只似新增海屋籌。

寄馮開之司成

留滯周南卧正便，俄聞詔起歲三遷。  
詞名反藉讒言重，直道終回造物權。  
秘室絲綸應有託，高空雨露不曾偏。  
橋門北面諸儒集，並擬登堂一頌鱣。

鞋山

飛來一片崑崙石，定在宮亭水鏡中。  
莫怪強秦鞭不

去自從神禹鑿鞋工飄颻碧漢支機穩噴薄黃河底  
柱同何代仙人飛舄過尚遺孤蹟點晴空

重遊白鹿洞二首

曾從勝地結良因三十餘年更問津石室依然雲矗  
矗溪橋不改石粼粼諸生侍坐皆新進五老登堂自  
故人蒼樹碧苔含古色清遊何但遠風塵

其二

何處招尋白鹿仙千岩萬壑瀉飛泉烟霞自昔封丹  
洞竹栢春深護講筵山意欲留曾住客地靈應了再  
來緣登臨盡日渾忘老拂石仍操白雪絃

江行兩過龍平不及訪巨源巨源頗以爲望因  
賦一詩慰之

江上扁舟信往還柔風不及問青山那知稚子曾爲  
忝只道幽人尚閉關夢寐虛勞千里駕徘徊未解一  
時顏停杯誦亦閑居賦咫尺烟蘿句裏攀

得袁民部文毅書卻寄蓋文毅入仕十八年始  
得補民部郎詩有所感

病夫高枕萬山中何自雲霄落塞鴻天遠故人書不  
斷古來詞客宦難工風塵駿足疲燕市日月蛾眉老  
漢宮 朝野一時憂正劇肯排閭闔效孤忠

廣陵袁先生故守濱州至今濱人廣陵人並祠  
祀之其子文毅民部索贈

見道先朝子大夫公車對罷遠分符東方父老尊遺  
像故里賢豪述壯圖宦蹟古今龔渤海儒名伯仲董  
江都三公故是君家物又見雲霄起鳳雛

漢袁安家  
四世三公

華民部信可治饒易州寄詢二首

奉使驅馳敢厭勞 天王清切任賢豪  
紫荆關北胡烽近丹鳳城西漢壘高  
萬卒行營需戰守四方蜚輓集脂膏  
知君定下憂時淚夜夜瞻星攬佩刀

其二

黃金臺畔度支郎，饗士橫戈戍朔方。  
五路輜車分內帑，三關戎馬壯封疆。  
元功擬並燕然勒，俠氣還同易水長。  
萬里能憐衰病叟，無時書札到江鄉。

荅向葵卿予許過訪葵卿三年未踐葵卿詩至  
意頗鞅鞅且以西域葡萄及吳中三白酒見餉  
因有此荅

三年累失故人期，百里檄書破夢思。  
酒自東吳分玉液，果從西域見珍奇。  
招尋尚許狂夫醉，述作先傳幼婦詞。  
世外知音殊不忝，肯令山水自相疑。

喜雨簡徐懷龍明府二首



五月青禾正仰膏三旬不用競嗷嗷懸愁赤日枯壇  
社忽有甘霖解桔槔雲葉紛隨童子舞天心響谷使  
君勞北窓卧起涼風至便欲披衣問濁醪

其二

側身憂旱古來聞下邑何期更遇君露禱似携行雨

器李靖

天回不假檄星文

管轄

平湖入夜翻新漲列

宿無時障黑雲甘澤隨車應未已苦內家茶苦一時分

臥遊室爲朱圖南題

壁間圖画案頭書咫尺遊踪信所如環堵偏藏名岳  
勝據牀真與古人居河源瞬息孤棹到海宇逍遙入

駿虛卻怪烟霞常滿室由來醒夢劫心遽遽

得何與甫江夏書并詩卻寄二一首

與甫蜀郡人

空谷虛名老自慙美人何意獨耽耽相逢似已叨神  
賞莫逆那須借立談握管憑陵三林死勝書懷想像百  
花潭看君遠駕無千里屈指誰能左右驂

其二

長卿題柱起成都太史浮湘激壯圖莫訝古人偏氣  
象至今吾道有江湖知君欲竟千秋業謁帝先分  
百里符入郢移書蠟不老豈應白雪調仍孤

荅梅伯陽孝廉見寄

十載論交漢水濱，曾看落筆氣凌雲。因知江夏無雙士，不策中原第二勳。北道逢人猶黯黯，空山問我獨殷勤。江鴻又寄新詩到，冉冉明霞五色分。

川上樓訪巨源同賦

百里平湖水接天，飛樓晴俯萬家烟。祇應病客來舒嘯，那得狂生解借眠。五月涼風高枕至，八窓雲氣遠山連。蒲帆暮趁浮鷗過，半是魚船半酒船。

夏夜邀呂惟烈與寇巨源湖上泛舟

積雨湖頭新漲平，扁舟何異涉蓬瀛。中流歌管更相和，近郭鳧鷗總不驚。涼月漸從空向樹，吐野雲遙曳

山行吳姬進酒能歡客老大其如此夜情

得門人曹咸寧書言卻寄

憶別黔陽二十年常從夢寐引諸賢俄聞宓子重爲  
令共道王喬舊是仙比壞風聲傳誦易故人書問往  
來便臺臣擬薦循良吏三楚惟應爾最先

門人馬文卿登第後書至喜而有寄

有客雲霄薦長卿一時詞賦重西京可知繡虎名非  
忝坐見攀龍事竟成思舊尚馳千里夢題書先寄百  
年情何當戮力排時難常使漁樵卧不驚

有感寄惲李本寧大參

中原上駟儘長驅北望風雲接九衢一語飛來天地  
變諸艱歷盡鬼神吁詞臣嘗代誰完壁拙宦窮途自  
握珠歸向陽春臺畔卧千秋郢調不曾孤

有聞寄慰陳玉叔大理

深山病叟日龍鍾千里思君雲樹重白日偶聞談市  
虎滄州暫許臥人龍無情漢水吟邊落作意江花醉  
裡濃敢向畏途窺出處百年身世一浮蹤

寄慰汪司馬伯玉二首

知君愛弟苦鍾情侍疾臨喪共此生顧影不堪鴻雁  
斷悲歌常傍鵲鴒鳴空山洒淚埋珠玉蕙帳銜哀薦

杜蘅遙夜淒淒池畔草九原猶使惠連驚

其二

哭弟誰如伯子古故人相嚮遠徘徊連枝樹好天風  
折合璧星明海嶽粉摧青鳥幾時傳秘景白駒無計緩  
泉臺年垂七十流光迅懷抱應須強自開

夏日劉山人八公與過訪

避暑空林擬息<sub>此</sub>何來野服叩烟扉丹丘問道期仍  
遠野服于人計<sub>已</sub>非阮籍佯狂悲失路馬卿消渴倦  
思歸貧無雜佩<sub>堪</sub>相贈長日分甘但蕨薇

醉別子龍<sub>方</sub>以歸江上憶之

登臺呼酒對名花  
惜別樽前興未涯  
濤落瀟湘天萬里  
舟迴楊柳月千家  
翻疑雪夜山陰過  
卻是烟光楚塞斜  
夜半微風吹客醒  
可堪回首悵蕪葭

寄懷汪仲宣加蕪訂過訪之約

憶君飛棹廣陵來  
送客三山首重回  
海色似增詩律壯  
江花卻喚旅愁心  
開還家卧病人  
誰健隔歲無書雁  
自猜乘興幾時能  
見訪爲留江漢作  
餘盃

來雲閣爲四義徵題

文園石閣面鍾山  
紫氣平臨霄漢間  
洗墨地分功德水  
攤書牀倚秣陵秋  
關探奇興與高雲  
迎博物神疑太

古還卻問烏衣豪俊客仙蹤咫尺竟誰攀

程巨源自新安來見訪適予有東吳之遊不值  
留題北園爛然盈卷暨予歸而讀之悵悵不能  
爲情寄謝二首

千里西來叩竹扉主人東下不曾歸關山握手心相  
許雞黍論文願已違賴有林亭舒覽眺徒令花鳥借  
光輝不嫌稚子無供給盡日題詩坐釣磯

其二

江懸吳楚客西東挂席參差一水中相望雲山驚是  
夢留歡尊酒悵難同春深野老談耕鑿日暮鄰僧問



色空自向松間除一榻那能更待主人翁

萬汝瞻七十

兒童分席傳經術老大居鄉接比鄰  
漫問此生誰顯晦回看浮世總風塵  
躬耕石戶窮相傍采藥名山術  
已神七十年來君更壯一瓢仙醴祝長春

贈徐應制

時省祭里居將北上

謁選

待漏當年謁紫宸漢家刀筆也儒臣  
未分升斗共王事先賜衣冠拜老親  
用世才隨文法見居鄉名與孝  
廉均掄賢聖代無方類宣力何慚  
一命新

將發金陵留寄詹東園吏部

兩過長干不見君  
乾坤何處好論文  
逕留尚借三山  
泊只尺其如一  
水分野服昂藏  
驚世遠商歌  
淒切畏  
人聞移書敢與  
山濤絕明日  
歸帆掛楚雲

段郡博汝齡輓詩

造次生徒撤講幃  
分經環立悵誰依  
一官抱病青羶  
老千里思家素旆歸  
雉水孤雲寒自結  
陵陽落日黯  
無暉可憐文酒交  
歡處惟有齋頭舊  
燕飛

聞故人葉化甫起官來牧吾州先寄二首

論交惜別自燕臺  
二十年過夢屢回  
解組似聞衰鳳  
去彈冠真起卧龍來  
海濱白髮甘長往  
天上玄纁寵

異才一出定知酬夢卜  
郵人勸駕莫須猜

其二

詔下安車嶺外馳  
山城借寇亦何奇  
羅浮遁跡終難  
穩鄂渚論心遂有期  
萬室都懸慈母望  
二天寧爲故人私  
知君早負匡時略  
不忝中朝四嶽推

夏日送譚中翰似閔還京

帝里歸來叩薜蘿  
傳經猶憶舊西河  
十年染翰雲霄  
近一日彈冠氣象多  
促席且傾河朔酒  
臨岐莫唱渭城歌  
明朝匹馬長安道  
直北星辰照玉珂

伏日苦熱甚口號

老病年來不勝暑今年暑病偏非常三旬箕伯匿已  
遠四境陽鳥飛太狂夜起明河掛燕屋朝眠大火焚  
匡牀仰天絕叫氣欲盡何處可分寒露漿

聞孟給舍義甫疏請建儲被譴見放詩以唁

之

見道清朝闕事稀侍臣何自反初衣一言但可迴  
天聽萬死無辭犯帝威殷后元良終不改漢家羽  
翼未全非祇今南北紛離亂獨抱深憂向釣磯

義甫還過下邳奉慰一首

君恩造次許投簪直道由來罪未深仁孝千秋天下

本乾坤一寸小臣心江鄉入望魂初定故國相看病  
屢侵萬里生還天幸足無妨澤畔有行吟

病中感懷寄王行甫

歸來擬作太平民不道人間萬境新地槁十年農半  
徙天災萬戶鬼爲鄰戈船戍海連營急甲馬征西出  
塞頻蜚輓無時思亂切未知巖穴可藏身

其二

病骨龍鍾氣黯然故人那得走相憐三旬望雨成枯  
旱每日聞雷過遠天國難何常南北靖牢愁虛向古  
今懸不堪殘暑秋仍毒起我須君白雪篇

江上遇徐行父憲長作

江上維舟事偶奇，波間携手漫生疑。  
三千里外重歡，謔十六年來一夢思。  
雨過關山樽酒盡，天縣吳楚片帆馳。  
須臾感慨生平見，猶似中原並馬時。

聞胡民部新誕子尋擢按察副使入蜀喜而贈  
之一律

奉使還朝解度支，十年勞苦帝心知。  
庭階忽有芝蘭瑞，省署新承雨露私。  
西蜀鑿鑿馳父老，東方弧矢壯男兒。  
傳家許國心兼重，駿馬麒麟自一時。

九月八日携具富川門旅舍再送羲徵

日近重陽菊未開  
川頭秋色擁輿來  
含愁竟負登高約  
抱病聊行送客杯  
清夜舟維鴻雁渚  
白雲家在鳳凰臺  
抽毫莫漫悲搖落  
綠橘丹楓取次裁

黃思素昆仲九日邀客登萬松山予病不赴作  
此寄情

載酒登高興不孤  
追歡曾少一人無  
名山解戀風流客  
佳節偏憎老病夫  
露菊含情秋自色  
霜鴻失侶暮相呼  
蓬居抱影蕭條甚  
竟日惟應據槁梧

呂氏外甥試問喜而有作

華屋朝來喜氣克  
佳兒英骨稱桑蓬  
行占大業追王

父可但詞名似外公  
文襍繡鞞今日試提戈  
取印  
官人同筵前抱弄諸孫  
集共訝神駒出海宮

送徐幼鯉文學赴京補官

祿養蕭條四十年  
遠遊仍繫孝廉船  
傳經向倚儒臣重  
對詔應逢聖主憐  
戀闕五雲開  
北極思家明月  
亘南天  
燕昭臺畔千金駿  
試問何人更着鞭

得賴承卿大叅書有感却寄

與君相代守樵川  
遺愛如君萬口傳  
老去嗟無携手地  
書來重憶剖符年  
身存尚可酬千古  
翼墮何須問八天  
歸鴈差池風雪後  
獨憑山閣望江烟



送賴茂永歸安成

累月山齋枕石眠，遠庭松菊助新篇。  
歸心夜喚霜鴻起，別思寒催蠅蠹牽。  
半齋圖書分斗氣，一樽風雪悵江天。  
從遊南部誰高業，吾道東行自鄭玄。

江上荅張子龍使君見招

白雲芳樹美人居，咫尺相憐望未舒。  
憶自粵西還五馬，每從江上託雙魚。  
正愁雞黍期難定，忽報羊求徑已除。  
來往片帆文酒會，晚年生計欲何如。

得陳儀部立甫書併詩賦謝

一水雙魚帶雪流，美人書札下滄洲。  
累朝通籍遭

明主三世名家自太古調詞壇高借色足音空谷  
遠覽愁無聞老大成虛度手握明珠愧未酬

題立甫白石齋

小築高齊漢水濱移來片石古嶙峋峰含郢里歌中  
雪地遠長安世上塵故傷玉沙開氣色將從天柱角  
精神怪他五尺靈光吐不數隋侯徑寸珍

癸巳元日即事有感

誰稱七十古來稀七十無聞事事非改朔愁探新賜  
曆迎年羞拭舊宮衣憂天湖海心徒折愛日兒孫意  
總微悼徃悲來生氣短蕭蕭老淚不勝揮

初春三日吳茂文過飲茂文以予七十初度二  
千里遠來心竊感之

千里寒江發興偏到來還似剡溪船詩成遠效岡陵  
祝病起虛增犬馬年鬱壘新塗開令節屠蘇滿泛即  
初筵鄰家夜半仍簫鼓那得相逢不醉眠

人日周光祿良玉見過小集

春回七日始知春百里風光到故人手網溪魚聊作  
饌盤分畦菜卽爲辛樽前但惜華年改世外誰驕彩  
勝新倚醉談玄君更悟娑娑起舞見天真

元吉君霖昆仲自豫章遣使將詩壽予七十初

度且訂過訪之盟奉荅一首

雪淨春江一鴈寒書來千里勸加餐餘生豈敢稱三  
壽有酒惟應對二難佳句遠移青玉案病軀誰授紫  
金丹山園卉石含情久望望那能獨倚闌

張進卿侍御自潯陽遣使持贈言壽予七十詩  
以報之

病掩松關晝一開陽春何自接天回野人珍重千金  
贈信使推移五老來聞樂異時曾絳帳進觴何處不  
瑤臺相過未少山陰興春色郊園故故催

芸香館題贈以高以端昆仲

莫向平輿數二龍君家伯仲也詞鋒即看圖史充高  
館何取勲名載景鐘辟靈香浮花氣合種魚經就水  
烟重藏身恥作通親表願學當年石戶農

黃思素贈言工雅心竊喜之因約過齋中呼酒  
共賞

老病傷春倍可憐美人新奏郢中篇將無閤室輕投  
詳賴有知音未絕絃榻畔一樽風雨夜齋頭幾日艷  
陽天歸途躍馬衝沉險且與扶枕瓮眠

升甫先生暨其子伯凝仲良叔衛三昆玉並賦  
七十壽詩蕪餽新釀仙酒見賀作此謝之

帝子森森龍虎姿野夫衰晚託襟期白衣走送長生  
酒彩筆分題介壽詩家學九宗開繼述國風千古屬  
伊誰當年忝藉梁園客授簡如今賦獨遲

壽用晦六十時予已七十矣

結客南州汝最先異時詞賦客爭傳驂駟向許輕千  
里犬馬虛慚長十年世外乾坤增浩蕩人間甲子任  
推遷何當一水爲春酒共指廬山作壽筵

荅費國聘

太岳峰頭紫氣分襄陽道上恰逢君荆人無處堪投  
璞漢主何嘗不好文歸去郢中仍白雪別來天外摠

浮雲傳書江漢人千里恍惚行歌澤畔聞

丁元甫俞羨長去冬枉弔亡恭人今春重來壽

予七十志感一首

歲暮生芻走夜臺經春猶復念衰頹深知友道同休  
戚不憚江程數往來伏枕都無人世樂稱鴈翻助德  
宮哀河清欲俟渾難定懷抱因君只暫開

荅天長黎明府君實

千里春風送友聲鳴琴好在石梁城江迴建業飛濤  
壯地接塗山王氣生四顧閭閻俱望歲一時關塞正  
連兵憐君國事嬰憂日猶向瀟湘問舊盟

必慮同韶文學赴京謁選

夏衣初換客登途，抱策飛揚上帝都。  
惜別懸愁鄉信遠，逢時莫遣壯心孤。  
匣中雙劍噓龍氣，臺上千金起駿圖。  
當宁掄才今更急，承恩應錫上方臯。

有感寄田將軍子壽

老去懷人歲易流，把詩聊擬接塵遊。  
揮毫大澤爭奇氣，建鼓三苗誓遠猷。  
每飯不忘天下計，偏安寧解至尊憂。  
只今拊髀思良將，那得田單老故丘。

徐幼鯤補諭河間寄贈一首

達節詞才少，並驅寒糴不讓錦。  
艷能天迴鳳關雲。



霄近地擁鱣掌海岱紆訪古流風宣雅樂興文聖代  
起醇儒獻王雅樂董生醇儒並河間事逢時入奏甘泉賦一驂看花  
遍九衢

贈丁兵憲

絕塞稱兵後未遣使君建節楚江關師陳水陸群兇  
遠鎮靜江南萬竈間訪古輕舟雲夢野望京高閣鳳  
凰山何言未展匡時略一日天威震百蠻

方子翀茂才過訪因贈

年少飛揚萬里遊却從玄岳過滄洲登堂尚執通家  
禮抱策寧忘盛世憂後學詞才誰伯仲累朝經術自

箕裘酒酣雙倚延津劍紫氣英英燭斗牛

贈葛更生茂才

怪來詞筆少年工高曲先聞郢客風前代洛陽曾賈  
誼至今江夏有黃童滄浪池館群山護黃鵠烟波一  
棹通幾日招携同避暑涼雲備起竹林中

贈劉無狀茂才

炎天一雨動微涼有客披衣過草堂年少雅能窺學  
府心雄更欲騁詞場逢人何處堪投壁閱世無端日  
進觴策足風雲應咫尺可云今日是門牆

郭仰甫見過酒間作

時予七十初度

淫淫雨雪動餘寒短棹江行路轉難爲念老夫淹病  
榻遠携春色問漁竿名山采藥誰爲侶小閣開樽且  
盡歡醉後不知來日少還操綠綺回君彈

魏洞續彙詩部卷之十一終

甌駝洞續藝詩部卷之十二

武昌 吳國倫 著

檇李 馮夢禎 校

七言排律

永謨劉公以少司馬總戎兩廣喜而有寄

將相才名鬱 帝鄉詔提三校總  
炎方樓船鐵騎如  
雲集組甲瑠文耀日光象郡旌麾秦并邑羊城臂指  
漢封疆陰符夜發諸夷震羽檄晨馳兩越強部下揮  
金收死士帳頭銜壁獻降王卽看瘴海鯨鯢盡無復  
蠻山虎豹藏斥堠豈須傳八桂韜弓只好挂扶桑天

威一舉南山靖動役何慙紀太常

爲項郡丞題鶴洞圖

華盖山前白鷄鳴披圖疑聽九臯聲金衣玉羽來綏  
嶺霽雪明霞映赤城石室可容千佛坐巖樞直借五  
丁擎當溪結屋飛泉冷據榻看天古木平二女雲中  
逢采藥群仙洞口待吹笙迂迴一徑樵人識縹緲諸  
峰地主盟握手向來知骨異還丹何日許身輕龍湫  
鴈蕩無多路便好同君跨鶴行

爲寇巨源山人題二餘齋有引

山人以二餘名齋盖取黔婁妻之語謂無官

有餘貴無祿有餘富也遠來索題贈以長律  
彈鋏歸來旋卜居翛然四壁擁圖書詩歌漸欲成三  
昧貧賤偏能享二餘村樹幾行依逕曲谿雲半畝入  
簾疎披衣挹露閒看竹抱甕分泉自灌蔬原憲心空  
無爵祿向平機息悟盈虛襪田不赴隣翁社閉戶時  
來長者車但對知音調綠綺肯從浮世曳長裾漢濱  
老父耕無恙彭澤先生醉自如吹沫尚看存鮒轍側  
身何必隘蝸廬它時倘躡筍苔過莫遣兒童更掃除

大宗伯徐汝明七十壽詩

南極流光大海濱却從初度紀生申  
逃禪擬出三千

界住世纔經七十春  
童面豈憑丹藥駐  
閒心久與白雲親  
秩宗禮樂清朝著  
大雅文章藝苑死  
珍天路駒騰新  
驥裏壽筵衣拭舊  
麒麟由來紫府神  
仙客卽入青宮社  
稷臣卜筭千秋忘  
蔗境銜恩五夜憶  
楓宸窮交白首縣  
相望只向莊園祝  
大椿

過蘄州遇顧子良六十初度賦此壽之

金馬當年射策同  
幾回騃轡出新豐  
還山久集芙蓉佩  
招隱重題桂樹叢  
愧我談天虛碣石  
多君問道入崆峒  
因參易教通禪教  
遂指玄功作聖功  
百慮總忘歸習靜  
萬緣都盡只觀空  
此生窳廓烟霄外  
何物浮

沉色相中鼎息自然三昧火珠光常照五明宮靈論  
壽筭齊南極且挾仙流過闌風聖果從來無旦暮凡  
胎誤自守屯蒙何當負龍從吾子采藥名山訪木公

子良晚年好佛道精  
內典故詩多及之

郭使君子得輓詩

鄂渚烟波繫釣舟開樽累日爲君留別來尚擬依瓊  
樹病後那知賦玉樓仙侶定從霞外結帝居應是夢  
中遊千金臺館虛燕士郭隗百騎兒童想細侯郭侯  
客有巨卿馳白馬書傳關令失青牛懸脂似染同  
袍淚鸚鵡洲名曾含異代愁目睹二龍驥碧漢魂招雙



鶴弔玄丘汀蘭澤芷芬堪薦誰挽長江水不流

丘謙之遊武夷書其過北園爲予談兩山之  
勝且盡出紀遊諸詩示予因憶三十年前嘗有  
此遊證以今所視聞儼然兩山復在目也感賦  
長律用贈謙之

爲問探竒江海客匡君何似武夷君身披野服青霞  
結天關靈關紫氣分卻憶當年曾汗漫至今隨處想  
氛氲大王玉女排空立石鏡香爐射日薰千里雄盤  
均象軸數峰森削總神斤泉懸不斷三梁雪壁絕常  
奇九山雲嶽頂封遺炎漢祀壇前碑勒大唐文擬投

蓮社名俱隱更就芝田手自耘赤雉炊羹烟縹緲青  
鸞飛駕羽繽紛采真莫問瓊瑤島避世應甘鹿豕群  
若箇高僧談幻化定逢仙侶結慇懃詩成興發磨崖  
處恨不持醪共爾醺

爲邵麟武司理哭母詩

壯歲投簪奉母歸千金一晷願無違尊羹不減分常  
祿宮錦那能勝彩衣正擬松篁延暮景豈知風雨暗  
春暉骨寒寸寸虞山土腸斷絲絲孟氏機海上已無  
青鳥至廬傍應見白鳥飛蓼莪悽淡旻天遠護艸摧  
殘曙露稀執禮未妨吳隱過段形誰道伯鸞非古來

竹帛懸風教孝行何慚微 帝闕

五言絕句

夜泊下陽潭同瞿伯明熊惟遠賦二首

石出溪流緩春深野色偏偶從江上客醉傍渚鷗眠

其二

就听分漁火論詩夜已分曉來風雨惡酣卧不曾聞

題孟孺画梅

幾點羅浮色蕭疎筆底開為乘二雪後分送早春來

登均州滄浪亭二首

潭水自清濁山雲無古今荒亭萬里目一寄遠遊心

○其二

散步行吟去春陰澹綠郊。總無憔悴色。漁父莫相嘲。

○題張君實家綠萼梅

忽尔厭初質。娉婷出異粧。卻疑玄圃樹。新燦綠珠光。

○過杜康臺寄王孝廉吉甫

時吉甫掛病

馬上芙蓉響壚頭。竹葉杯風塵誰地主。虛過杜康臺。

○題漆信斯書樓

小閣背長江。青山在書案。案頭留彩雲。爲汝供揮翰。

○題黃子登書室

無言室如斗。容膝故所安。披書走萬象。安見寰宇寬。

子登留飲即事

永日坐論文松醪出新漉何來兩吳兒遞奏清商曲

夢中題大士居

有引

○夜夢在蓮華菴遇友人孫汝章入堂禮拜因

問堂何名子曰此大士居也汝章立請予題

題曰

大士本無居所居隨所現所現亦無有名爲大方便

○聞助甫中丞奉

詔復起志喜四首

避謗辭西夏歸耕傍寢丘俄聞三殿召又抱九邊憂

○其二

不掩中山篋那成上將功天王勞拊髀遠略在西戎  
其三

累奏王師捷仍題鬼蜮詩赤心今自見黃口復何爲  
其四

分陝才名重還山氣象增清時欲霖雨猶待卧龍興  
詠齋中盆石四首

盆水插孤嶂居然高以深坐中生爽氣取意弄吾琴  
其二

斗大昆吾石飛從西海來精光能照夜當恐激風雷  
其三

案頭支雪嶺瑩比玉盤水一片清寒色山齋恐未勝  
其四

碧石如星殞光騰勺水波支機何處問疑已近天河  
題孔炎王孫辛夷花画册

未筆抽粉紅風來異香吐誰知尺練間可築辛夷塲  
百結香

以下山園雜詠六十八詠所  
不及咏者則傳錄之矣

紛披雪滿枝小摘香盈袖宛轉結春情美人難可遶  
瑞香花

枝蟠綠雲叢花放紫玉色小苑微風生簾帷香不息

羅漢松

淨根托淨土，金色批鱗甲。一謝大夫封，遂依羅漢法。  
仙掌竹

竹小葉何大，宛然金狄掌。雖無漢銅盤，清露溥其上。  
萬年松

古松不盈尺，移自大和山。寸土連雲植，蒼龍近可攀。  
杜鵑花

柔枝不奈雪，紅紫盡春妍。恰好花初放，山山啼杜鵑。  
鴛鴦菊

不必陶家種，偏能奪化工。彩文成匹鳥，誰得辨雌雄。  
扁竹花

一名紫蝴蝶



雲葉披籬根露花何甚  
采葉翻疑紫蝶羣戀戀飛不起

石竹花

纖纖石竹林小作瀟瀟  
和景幽花結林梢忽似棲霞嶺

金鳳花

靈種出丹穴爲花亦不群  
總無仿翼猶見九苞文

金錢花

布地金誰施如錢巧媚人  
便應持問酒一笑酌花神

水仙花

何曾吞入石每似握三珠  
解佩遺交甫蟠花錦不殊

甘州杞

鉄鞞柔絲條花實冠一四國新從馬客移猶帶苦寒色  
辛夷花

木筆本初質須臾改一豔妝閒來倚樹飲如在輞川莊  
葡萄

枯種待春榮飛藤跨山谷垂垂水晶丸釀酒可千斛  
薔薇花

霜條發素華風林香不斷豈伊清淨姿肯爲雜花亂  
菖蒲花

仙人九節蒲出水何一許約時吐金粟花可是長生藥  
鳳尾竹

文鳥刷其尾化爲千葉竹無風自動搖清響流嶰谷  
題瀟湘八景八首

返照明江村漁人半收網將魚換酒歸醉卧烟波上

右漁村夕照

古寺在空山暮雲飛縹緲霜鐘隔水鳴萬壑傳未了  
右山寺晚鐘

塞鴈怯霜高連翩下江渚豈無稻梁謀常恐失儔侶  
右平沙落雁

江寒暮不流飛雪暗千里四顧無人烟漁歌何處起  
右江天暮雪

湖上金沙湧空中玉鏡流可憐今夜月愁殺渚宮秋

右洞庭秋月

夜聽竹間雨朝看淚未收沙頭雲氣濕猶結九疑愁

右瀟湘夜雨

何處峭帆歸乘風迅於駛繞過楓樹林忽渡桃花水

右遠浦歸帆

山市烟火微嵐氣結不散隔谿望居人家家張雲幔

右山市晴嵐

送梅僧東還

雲來本無常雲去不知處隻錫如鳥飛隨雲自來去

旅泊潯陽雜詩十首

一韋下江州山川總舊游好乘今夜月重上海天樓

其二

古龍開一水新市集千家岬柳如雲密清涼繫客槎

其三

江平九水合上下風  
浪裏看芙蓉却是廬山影

其四

艇子大如刀衝風汎  
巨濤隻身操兩槳來往不曾勞

其五

蠶婦爭拏舟采桑渡  
湓浦道逢紈袴兒豈識蠶婦苦

其六

見道轉軒使驅馳  
八路通荒城僅如斗  
那得諱言窮

其七

三衛良家子承恩  
食上田村農苦終  
歲十室九無烟

其八

估客停關市司農  
借水衡豈無憂國  
意南北又論兵

其九

把酒邀廬岳柴桑  
亦我家如逢醉司  
馬不必聽琵琶

其十

三水夾孤城伊誰  
稱地主坐對香爐  
峰烟飄忽成雨

過蓮華菴訪中上人三首

叩法來精舍無言手佛書乃知空念念即可證如如

其二

爲恐迷途遠尋僧大士家偶同香積飯如覩優曇花

其三

師從東海至猶帶海潮音潮音不在海而在菩提心

七夕二首

秋生暑不除夜靜仍揮汗坐見河鼓星盈盈度天漢

其二

中庭望雙星兒女紛自禱乞巧欲何爲拙哉吾已老

七言絕句

真賦和尚重營佛祐菴

飛揚五老絕東南峰脊誰營佛佑菴見道遠公曾說

法至今龍鬼盡朝參

優曇花老不常開前世高僧去復回三十六峰天際  
出峰峰雲起現如來

舟出富口將赴行南柯山園之約適楊伯海自

金陵來見訪遂不果行遙寄二絕

湖上輕帆拂雨開江風卻送美人來柯山雞黍成虛  
約不是王猷興盡回



江門延佇見柯山咫尺層樓雪浪間欲往非無呂安  
駕且隨狂客返柴關

張叔見使君携具北園玩牡丹醉賦二首

小徑從容五馬過山亭一日豔陽多開來木藥都雲  
錦醉傍山公奈樂何

移樽共對百花王彷彿吳宮出豔妝珍重莫教歌舞  
近綠雲叢裏發天香

贈醫士劉秉乾二首

天台一逕返劉郎采得靈根滿皂囊不是巫咸傳異  
寶應逢夏后拾餘糧

懸壺策杖走人間數卷方書  
自刪問病不須投五  
毒金鵝一藥駐童顏

五月五日仲美過飲二首

輕風微暑應朱明隔浦喧喧競渡聲  
千古靈均猶可  
平樽前蘭艾若爲情

九節菖蒲五彩絲江鄉兒女漫相遺  
葵榴艷艷含雲  
吐妒殺山堂客醉時

輓友人柯慶之四首

風急湖頭日乍昏斗光中夜落天門  
由來誤入遊仙  
夢無復靈香爲返魂

甌詭洞續稿

卷之七

十二

少年經濟起諸生老去漁樵澹物情尚擬飛熊當後  
載那知騎鶴上瑤京

處士皇朝傍鄂臺諸孤相嚮不勝哀當年問業人如  
雨誰爲先生負土來

握手纔憐齒髮稀集荷新製野人衣相看幾日如前  
代惟有烟霞護釣磯

富二舟還即事四首

楊樹津頭解纜歸軍山相望五郎磯江湖咫尺分襟  
帶幾片風帆夾岸飛

雒城遙帶古龍沙錦樹參差日未斜風急榜人歌未

發忽看群鴈起薰葭

湖水空明月兩舟金甌玉露冷中秋輕帆驟掠群峰  
過不及停杯問斗牛

戒頭官閣水雲間一夜秋風客又還百里川光收不  
盡推蓬猶日見雞山

爲徐茂才伯獻壽其母孺人五十詩二首

龍山西望錦雲翔賓客追趨燕喜堂堂上今儀誰得  
似梁家裘褐鮑家裳

謾憐經術未遭逢菽水歡如五鼎供且待雲霄雛鳳  
起倚門應拜紫泥封

除夕程孟孺移寓北園二首

山城風日霽江天  
客子留歡野趣偏  
醉入荒亭如舊館  
不知明日是新年

嶺梅如雪澹村墟  
栢酒憐人又歲除  
三逕從來誰主客  
可知天地一蘧廬

三日載酒北園飲孟孺

城中簫鼓自喧喧  
不道春光在北園  
何物可留詞翰客  
紅梅綠竹灑亭軒

拄杖携壺曲水濱  
夜來風雪妒陽春  
甌甄洞裏婆娑笑  
出看爾臨惚寫洛神

初春同孟孺郊遊即事

草回新綠柳初黃，十里春風野徑長。  
村霧水烟相映帶，倩君圖作輞川莊。

林光宛轉拂春衣，載酒山行興不違。  
竹下停驂梅下飲，酣來緩步夕陽歸。

○○留俞羨長

六月留賓洞室幽，未窮三伏漫新秋。  
詩成自掃雲根卧，蕭散何妨百日留。

暑夜東羨長

坐驚湘簟卽攏瑜，仰視群星盡火珠。  
洞口風泉飄石

榻何常夜夜與君俱

題王侍御石沙草堂二首

侍御錫山人嘉靖間按部閩中多得士士至  
今思之諸宦遊過錫山者共即御史石沙讀  
書處構祠俎豆之御史蓋不朽矣其子彥貽  
爲索題云

八水三山攬雪同如雲門客摠銜哀祇今尺寸延陵  
土多少冠裳柱劍來

柱史南巡幾十年祠堂新築海雲邊閩中諸士家  
豈不獨侯芭解守玄

解佩亭詩四首羨長爲范馥馥索題

卷之十二

問郎何處綰霞裾解佩亭中共校書  
若箇江妃識交甫翻疑卓女侍相如

江南才子擅風流買得明珠贈莫愁  
夢去不知巫峽遠酣來疑似洛川遊

吳宮眉黛楚宮腰桃葉楊枝莫浪驕  
書罷黃庭猶未倦當牕挾瑟爲君調

只訝才郎久不歸瑤華玉樹兩因依  
臙脂山下雲如錦尚好留郎結舞衣

竟陵道中二首



苑柳絲絲二麥齊春光駘蕩石城西村橋立馬懷鄉  
客隔龍鷺聞唱竹鷄

輦道氤氳淑氣長翠華曾拂舊垂楊祇今萬戶非湯  
沐猶說歌風是帝鄉

簡周象賢二首

有引

予過襄將拉象賢同登太和會有傷足之病  
不能從感而賦此

五年再上襄陽道地主猶然是故人無柰故人憊卧  
久烟花愁殺大隄春

再別陵陽淚未收如何又抱下堂憂誰噴世路多巖

險咫尺名山只卧遊

贈楊伯武二首

越客浮家遍五湖，慙將一淚灑窮途。  
長風鼓棹三千里，只訪高陽舊酒徒。

累月呼盧醉野堂，深松碧石助君狂。  
與來揮翰如風雨，曲水新泮洗墨光。

贈林時茂太醫二首

采藥名山負籠歸，山雲冉冉溼初衣。  
尋仙不學壺中隱，馭鶴將從海上飛。

梁王虛勒勸醫文，鴻術由來世未分。  
總使方書羅肘

後尋常工巧不如君

送朱子得出富口二首

秋山秋水澹斜暉  
一片風帆拂鏡飛  
烟樹幾重江路  
杳別君那得不依依

黃龍洲畔雨千家  
西去樓船疊鼓笳  
無數雲山杯面  
出可憐分手即天涯

初春擬出二  
送則勸仲美會風雨不果再寄二  
絕句

幾日春回悵遠遊  
極天風雨下方舟  
可憐一水江南  
北何處行藏不是愁

江雨淒淒江樹青送君猶自隔江亭  
帆欲發春雲亂去住相看一葉萍

劉寬伯文學自廣濟來爲其母孺人乞表墓辭  
旨甚哀感賦二絕句贈之

一帆春雨渡江來相嚮猶含大母哀  
見道廬居憔悴日白烏甘露下泉臺

手扶桐杖叩林扉雞骨峻增色養違  
飲水食疏哀不盡夢中猶自拭媮衣

雨中賞牡丹二首

木藥初花春已殘雨叢猶有殢春寒  
殷紅淺碧嬌相

妒曾似雕房北戶看

幾枝穠豔發丹州不斷天香繞坐流  
春雨洗粧仍異態能令滿院百花愁

雨中賞海棠二首

春色偏妍海國棠  
宛然如子醉紅粧  
無妨雨著  
臙支溼助我山亭一舉觴

花萼扶疏護曉寒  
一時桃李妒相看  
無香亦自神仙品  
醉拾殘紅倒着冠

雨中寄王行甫四首

萬縷春愁結不開  
朝朝淫雨暗陽臺  
門前有吏呼担

至道上無人裹飯來

山園氣候亦清和無柰蕪天風雨多幾日繁花零落  
盞獨留芳草待君過

無錢沽酒日披書雨後林亭画不如往歲同君垂釣  
處一池新種武昌魚

聞道柯山樂事偏四方賓客滿長筵甌餗老子龍鍾  
甚那得王猷夜放船

青山

一抹青山萬頃波樵人不斷初人歌停舟欲躡登高  
屐東去其如歸思何

甌餗洞續稿

卷之十二

十八

白虎鎮

鄂縣城西白虎關幾家籬落漢江環時平久不聞枹  
鼓猶閃朱旗萬樹間

雙柳夾

岍柳如雲接戍樓天縣二水夾滄洲異時豺虎縱橫  
地日暮猶令賈客愁

團風鎮

江水平隄江市開舟車日夜五方來烟花萬井成雲  
霧幾處勞歌入夜來

三江口

孤舟落日下江關  
夜聽江聲逝復還  
逆浪卷空搖未  
壁黑雲將雨過樊山

樊口

樊山遙帶鄂王城  
山下風濤日夜鳴  
卻憶謝公開廣  
宴千秋誰與訂詩盟

閱叔蒙諸詩喜而有贈四絕句

怪尔強年勇拂衣  
抱書終日閉林扉  
可知世外無機  
事手握雲霞五色飛

迢迢命駕入山隈  
白石青蘿氣色開  
誰道野夫棲隱  
處美人偏握夜珠來



唐垂洲系系  
卷之二  
一  
昔時三謝總名流，秀句多從象外搜。  
何意遠孫傳舊業，能令一日起千秋。

風流今古一詞場，逐鹿爭梟任自強。  
矯足但須追屈宋，生身不忝在瀟湘。

吳汝震過訪酒間賦二絕

別君嵩洛十年餘，皓首迢遙問索居。  
漉酒烹魚供一笑，路岐何事不成虛。

河上爭傳老畫師，卷頭曾寫虎頭詩。  
年來何處逢心賞，猶說狂夫是故知。

再送莫崇謙二首

海色氤氳島勢孤，潮平仙吏步蓬壺。  
衙齋迴與龍宮接，北望彤雲是帝都。  
皓首深山憶舊遊，因君忽動遠人憂。  
經行若過高涼境，耆老能無問故侯。

詠齋前小山四首

朝移五嶽峙齋前，薄暮峰峰吐瑞烟。  
向子不須勞杖屨，真形突兀坐中縣。

遠砌雲根屈曲蟠，猥墻石穴杳冥看。  
山腰短樹垂紅紫，疑帶神鞭血未乾。

參差峰勢欲參天，捲幔虛堂紫翠連。  
忽有微雲將雨

過千巖萬壑擁飛泉

移山便欲擬崆峒赤手須臾奪化工歡殺老夫愚未醒向來虛笑北山公

過六墩觀則勸歸櫬再哭二首

二麥將黃五柳青高江落日黯荒亭磯頭共醉人安在獨向烟波弔客星

一時朋好漸離群垂老何當又失君揔使河清真可俟可禁五內毒如焚

除夜送酒與寅初二絕

入夜山城雨未休誰堪旅舍獨淹留呼兒爲報年將

換春色盈盈在甕頭  
誰家簫鼓夜闌闌不  
解今宵是去年分與一樽椒栢  
味醉時先奪早春眠

聽范生彈琴

怪爾能携玉軫來調絃  
淒切使人哀空庭忽訝飛鸞  
鶴卻是歸風過楚臺

送游宗謙再遊東吳二首

雙棹西來忽又東  
好遊那得計途窮  
逢人但洗鍾期耳  
楚曲吳歎自不同

說詩何處不知名  
垂老猶然狎世情  
幾日行歌吳楚

遍一帆春色儘縱橫

贈吳子愚山人二首

禿頂長髯擅技能  
浮蹤千里一行僧  
年過六十禪心  
倦何處尋師問上乘  
竹杖芒屨老未停  
相識旋讀青鳥相地經  
過十日醉林扃  
年來書畫無人

再送子愚還新安

婺水鄞山天子都  
看子爲問飛昇事  
有無  
君醉寫合丹圖  
東還倘謁三天  
成片片彩雲飛  
逢人解說無家  
染翰輕如亞帝  
禪書

好只辦青蚨買醉歸

冬日再過雙港橋即事

野屋荒涼二水濱  
霜楓片片石粼粼  
經過幾日山橋路  
不見橋頭賣酒人

雪中招黃思素不至明日以詩見存和二絕  
句

雪滿前山酒滿罇  
坐披寒色向黃昏  
虛聞王子能移棹  
無奈袁安只閉門

曉起山堂雪興新  
俄聞有客奏陽春  
句中猶帶饑寒色  
東郭先生豈異人

南康門人黃行甫過訪席間道故四首

玉京山畔早達君碧石蒼松坐論文屈指風烟三十  
載夢中携手悵離群

片帆飛度九江來白首相憐但舉杯卻問往時三徑  
菊可能重向醉翁開

年過五十尚儒冠末路風雲未忍拚總使相逢能戀  
舊緜袍霜色不勝寒

早春寒氣鬱庭柯舟似山陰雪夜過把酒勸君君不  
醉將操郢曲向誰歌

北園餞別黃行甫梅黍符醉成三絕

春堤曳杖走山園  
旋拭莓苔剗綠樽  
水石宜君君不住  
相看那得不銷魂

落梅沾石錦成文  
修竹當軒翠拂雲  
痛飲不知誰是客  
醉中携手夢中分

東行哭王元美二十首

隔歲無書到故人  
誰傳消息恐難真  
春來只怪多妖夢  
起視關河獨愴神

江上愁雲黯不開  
一靈三入夢中來  
呼兒絮酒倉皇甚  
悵指吳門轉白臺

七十年臨久閉關  
哀行匍匐淚潛潛  
義輪不駐王司



寇何用適臣老世間

長江風浪接天高野泊檣烏夜夜號  
生死交情泉下識間關千里未爲勞

兩世通家分已敦一門師友道逾尊  
竭來三冢吳江畔白莽青蕪總斷魂

盖元美兄弟于友尊公于師也

邂逅燕京自一時瓊瑤不及美人姿  
玉棺何意從天降遂遣王喬白日馳

六子中原矢壯圖脩文地下幾人徂  
君今又棄吳郎去那得乾坤調不孤

把臂婁江送我時醉縣雙淚不成辭  
分明一訣成今

古卻恨重來已後期

元美別予崑山有再過之約且云遲則不待矣思之令人心痛

弁山十日縱歌呼醉裏曾題三老圖中路那知分影

盡獨留餘喘莫生芻

三老圖即元美敬美與予圖之者類人黃鵠也

哭弟三年淚未乾將書猶自勸加餐可憐千里心猶  
熱不道重泉骨已寒

三疏承明罷尚書高風不遜古縣輿長安多少輻輳  
概不似生前反故墟

少年登仕飽經綸老作留都八座臣雨露風波都幻  
夢悠悠杲路始還真

腹笥便便萬卷餘先賢博物未應如而今縱委杲臺

下猶似新藏禹穴書

左馬文章李杜詞風流一代萬人師遺囊只少登封  
草身後毋勞漢使疑

餘年北面禮曇陽日手仙經坐道場可是丹成生羽  
翼飄然飛入太清鄉

庭堦玉樹起干霄萬石家聲冠累朝縱是九京難可  
作詞林千古挹風標

一線冥途判古今逢人何處可論心到來山水渾無  
意不必登牀鼓舊琴

東風日送海門潮何事魂兮不可招海上若逢西母

駕可能重和白雲謠

三江歷盡海雲間一片潮生萬古哀若道巨卿非烈士何人遠託素書來

聞君病臥亦蘧蘧垂死仍遺薄葬書卻信至人無亂命游魂只合在清虛

小孤山二首

小孤如柱立烟霄障盡狂瀾撼巨潮莫訝凌風飛不去靈根天植海門標

誰認孤山是小姑彭郎隔水浪相呼不知神女行巫峽夢裡襄王定有無

采石

采石江頭問謫仙  
醉披官錦卧黃泉  
舟人解指題詩處  
一片青山萬古憐

青山

山自青青水自深  
望中佳氣結雲林  
誰知數畝宣城宅  
能使三峰重古今

泊梁山

斷山分峙束江腰  
一片濤飛兩岸搖  
日暮海門雲氣黑  
酒家呼客且停橈

烈山

烈山疑自二孤分千里空江隔片雲萬立不隨波震  
蕩金陵王氣此氤氳

瓜步

蜿蜒山脊起橫空赤石蒼巖海氣通禾黍半荒漁釣  
集那知前代有行宮

方山

名山斗削抗青霄海上方壺近可招我欲登之觀四  
極梯雲先躡鳳皇橋

橫山

不斷山橫萬石隈昭明何處讀書臺元秦古路無人

識惟有空門舊劫灰

張進卿侍御宅夜宴贈歌姬十二首

絳燭高烧錦席開青娥翠袖捧觴來歌闌更誦靈光賦那得狂夫不醉回

桃花爲面柳爲肢抱瑟調絃度曲遲妒殺門前九江水月中分作影娥池

金縷歌殘夜未分寶花新障玉爐薰堂中亦有知音客誰好當筵覓紫雲

紅兒舞罷雪兒歌柱史留賓奈樂何却咲當年馬南郡麗人虛說帳中多

素腕纖腰不奈春，却教明月損精神。  
天台路上逢難，偶姑射山頭識未真。

金屏繡幄擁霓裳，彷彿吳宮響屧廊。  
掌上飛來塵不動，何須更屑水沉香。

春深庭樹綠雲齊，障外無情月漸低。  
髻墮不勝垂手舞，釵橫忽作捧心啼。

踈星漸墜百花間，猶有香風送珮環。  
千里誰移神女峽，飛雲片片遶匡山。

越女吳姬態總新，閒將歌舞駐青春。  
潯陽不是桃花渡，一轉橫波惱殺人。



甌甌洞續稿

卷之十二

三

新聲屢變續陽阿送態流情美盼多只恐雲衣牽不  
住隨風奔月化嫦娥

援枹促節應笙篴永夜飛觥醉未休自古佳人難再  
得主君何事不風流

夜深移燭改新妝四座驚聞百蘊香自信曲終無一  
誤時時偷眼顧周郎

至婁東再哭敬美四首

王家伯仲總仙才海畔參差掩夜臺獨有文光埋不  
盡詞場千古使人猜

登場諸客避詞鋒不說雲間陸士龍偃卧高原還似

醉何須更覓酒泉封

異時曾草哭君詩掩卷淒涼可自持  
白馬西來君不見  
見愁心一片海雲知

誰言澹圃似西州水石分明載古愁  
只幸諸孤傳舊業不教身後減風流

婁江晚泊與叔嘉同賦二首

岬樹蒼蒼隱落霞千門夾水半漁家  
候潮館吏邀停棹且共銜杯待月華

婁水縱橫夕照殘崑山偏好月中看  
怪來白壁無光焰海上群星箇箇寒

龍龕洞續稿

卷之十二

二十六

舟過婁江憶與元美醉別處有感二首

江干分手八年過  
山自雲烟水自波  
只惜重來虛指  
顧呼君不起  
奈君何

把袂酣歌解纜遲  
夢中何處覓當時  
無情獨有婁城  
塔影落寒江  
動客悲

贈庵僧性果

余久不見性果偶見而問之  
荅曰山中乞食  
其樸直類禪家語  
因贈以詩

湖上清秋逆社開  
孤蹤何處使人猜  
披緇捧鉢如飛  
鳥爲道山中乞食來

醉後步過應時宅素酒再飲

醉態婆婆興未央扶携又過此君堂更添卮酒消長  
夜合是乾坤縱老狂

詠斑竹詩筒東應時二首

湘妃竹子截爲筒元白詩工器亦工不是先傳三昧  
法誰能字字入圓通

此君文彩故斑斑腹裏藏詩解閉關只自納交徐孺  
子唱酬來往不曾閒

晚菊

晚菊蕭條傍短牆虛疑十月又重陽北風吹雨寒相

弔送酒無人且自觴

同應時思素過銀山廢寺郭懋德携酒相勞卽  
事五首

連鑣出郭訪名山棟宇前朝想像閒  
賴有故人能載酒露林雲石儘追攀

山藏古寺寺藏雲白衲巢栖鹿豕群  
廣殿長廊何處覓并烟猶似石鑪薰

鐘磬無聲客自過巖泉細細灑藤蘿  
誰知寶地荒蕪盡石影猶然像達摩

空山寂寂禮空王乞火親焚西國香  
白象青蓮荆棘

裏諸峰夜夜吐靈光

寒潭空澈寫禪心萬劫山靈自古今何物風流蘇學士留書鐵壁在叢林

送醫士蔡汝洽暫還臨川

一羽歸帆雉水開乘風飛過豫章臺爲言學得長生術靈谷山中采藥來

雪中訊通侯永年

六花飛舞趁迴風一片寒雲萬里同惟有仙人能度世酒酣高卧藥珠宮

荅通侯永年留別

纔從伊洛遇浮丘訪我來登黃鶴樓酒罷又騎雙鶴  
去逍遙何處不神州

直甫宗侯新得山東釀酒法酒熟先送一樽飲  
予賦二詩謝之

江上移樽雪夜開麴生風味使人猜那知釀法傳齊  
客直訝青州從事來

栢葉椒花媚蚤春君家新釀倍精神分來一瓮溜渾  
色不醉齊人醉楚人

送金幼龍遂海陽

九疊雲屏障九華風江飄忽過  
仙槎登臺漫指天都

境萬壑千巖紫氣遮  
只訝遊踪隘五湖歸  
心無奈楚雲孤還家更作求仙  
計白岳從來天子都

孫兆孺山人輓歌四首

三代詞名七澤傳行吟憔悴老猶偏  
乘雲化作相靈  
去何處青峰不可憐

憶過屏陵舊草堂渚宮明月照飛觴  
今看携手酣歌

處惟有君山送酒香

酒香即君山山名

木蘭舟楫芰荷衣千里浮江問釣磯  
一醉十年成隔世別時應是夢中歸



老信垂引... 夢元... 三二一...  
見郎匍匐漢京回，多少名言誅夜臺。只恨天傾雲夢野，鴛環張樂總堪哀。

寄廖珍之徵君二首

江村高卧不知貧，翠竹青蘿蔭四鄰。但與兒郎分五斗，誰能老作閭津人。  
不到山居又十年，雲林水石尚儵然。鴻書忽帶清秋色，一片愁心江上傳。

送邵子俊還鄂渚二首

辟暑郊園百日過，山雲湖月飽行歌。宵來一雨迎秋至，遂放孤舟返薜蘿。

片帆西去武昌城江上秋鴻作楚聲白首無家踪不定一樽聊結布衣情

北園逢使寄懷張羽王二首

偶過北園看種樹恰逢西使遠擔簦懷人句就書桐葉欲寄蒼梧思不勝

憶在山堂取醉同題詩爛熳石林不知別後詩多  
少好寄明年七十翁

中秋夜見月自傷二首

歲歲中秋賞興偏醉歸猶及問嬋娟那堪今夜愁千  
結只隔明河又一天

一失同心夜夜哀  
看天此夜更徘徊  
虛疑月下魂能  
反卻是雲邊鴈獨來

贈徐維志山人三首

白鶴山人只在山  
人傳仙跡遍人間  
鞭龍叱虎神州  
過又向雲中跨鶴還

錦囊消息定何如  
如歸校仙人玉笈書  
月下相過疑雪  
夜何妨十日醉吾廬

命駕空山訪薜蘿  
東歸仍唱白雲歌  
樽前恍惚鄱陽  
景秋水長天一雁過

鄒惟誠重來見問便往白下訪故人聊賦二絕

句贈之

一別重來十六年，山城依舊館人遷。  
當杯莫問餘生事，雲滿高齋雪滿顛。

西來東去一江寒，兩岫霜清萬木丹。  
何處解衣逢故舊，行歌好與醉長干。

贈李子和四首

叱虎鞭龍日未停，閒來自注錦囊經。  
年過七十渾忘倦，或恐前身是歲星。

索帶綸巾薜荔衣，看山來往忽如飛。  
於今面帶匡廬色，似欲騎雲返舊扉。

儒書讀盡恥于人策杖名山去采真一遇異人傳秘訣始知方外有玄津

少小常從五老遊天邊紫氣不曾收談玄坐我瓊甌洞何似神仙聚窟洲

元口送酒與劉生二首

病起逢春不耐春無端春態隔城新呼兒旋漉麴麻酒少爲劉郎佐五辛

一夜條風暢物華怪來羈旅不思家白衣送酒梅間飲猶勝東籬醉菊花

送謝先之赴南雍二首

高皇息馬幸南雍壁水千秋照六龍  
汝向橋門詢故事 聖朝更老自儒宗

雞鳴山繞頰宮開受學英賢天下來  
三舍只今絃誦滿論文先屬世家才